

2 San Juan

Gajirãre were gojañumi Ñu. Jesu yare, diaye mahiri sãre wereñumi

¹⁻² Yũhũ bugũ mũre Goãmũ beyedigore mũ porã sãre ipũre gojabeoa. Jesucristo yare diaye majare opaa mari. Iri mari mera árĩniguicãroca. Eropigũ diaye ta mahia yũhũ mũare. Yũ dihta mahibeaa mũare. Gajirã Jesu yare masirã sã diaye ta mũare mahima.

³ Goãmũ mari Pagũ, Jesucristo ãgũ magũ mera diaye ãgũ mahiri mera marire õaro iigũcumi. Eropigũ marire mojomoro ãagũcumi. Eropigũ marire õaro árĩcũ iigũcumi ãgũ.

⁴ Mari Pagũ marire ãgũ dorediro dopa ta mũ porã yujurãyeri ãgũ yare õaro yãhrirã árĩcũ peebũ. Eropa peegũ mucubiriabũ.

⁵ Eropigũ, acawerego, mari mera majarãre mahi umupeodorea marire. Yũ doreri mama doreriñe árĩbeaa. Iri doreriñe marire mata árĩtuhaya.

⁶ Eropirã Goãmũ dorerire iipehorã mari ãgũre mahia. Eropiro iri doreriñe ãhraa mũa negohrare peerañe. Gajirãre eropa mahiniguicãrã árĩque.

Bajarã gũyaricũrã árĩrãcoma, arĩ werera ãhraa

⁷ Bajarã gũyarã i mũmũ majarãre buherã wahama. “Jesucristo i yebaguere aridigũ masũ

dupu gohra árĩgu aribiriñumi,” arĩma. Erã guyarã Cristore ñhaturigu iro dopa ta iima.

⁸ Eropirã òaro pee masique mua. Mũare guyarãre peebiricãque Goãmũ mũare ĩgu òaro iiburire cóari arĩrã. Erãre peebiricũ Goãmũ mua òari iira waja obeogucumi mũare.

⁹ Árĩpehrerã Jesucristo buherire peenirã irire cóarã Goãmũ yarã árĩbeama pare. Jesucristo buherire òaro peenururãpu Goãmũ mari Pagu yarã ãhrima. Goãmũ magu Jesucristo yarã sã ãhrima.

¹⁰ Eropirã mua yujugu Jesucristo ya buherire gamebigu gaji buherire buhegu mua pohro eracũ ĩgure game bocatĩribiricãque. Mua ya wirigue ñajadorebiricãque.

¹¹ Gaji buherire buhegu Jesucristo yare umupeobigu ñero iigu ãhrimi. Eropirã mua ĩgure bocatĩri serẽrã ñero iidigure itamurã iiaa. Eropirã ĩgure bocatĩri serẽbiricãque.

Were gojatura ãhrraa

¹² Baja yũhũ mũare werediaqueregu ta irire paperapũgue gojabeodiabirica. Yu basi ta mũare ĩagu wadiaca. Mũare ĩagu weretamugũca mari òaro mucubiriburire.

¹³ Mu pagu mago Goãmũ beyedigo igo porãpu mũare òadorema. Iripẽta ãhrraa.

Desano

Desano: Goãmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

17771afc-c309-57fd-9ff3-2d5a0cd59ff1